



Uimhir Chiorcláin: 0001/2024

Chuig: Údaráis Bhainistíochta na mBunscoileanna agus na nIar-bhunscoileanna aitheanta sa Scéim Saoroideachais agus Príomhfheidhmeannaigh na mBord Oideachais agus Oiliúna

Beart costas maireachtála chun tacú le freastal ar an méadú i gcostais reatha scoile sa bhliain 2024

1. Réamhrá

- 1.1. Is é cuspóir an chiorcláin seo breac-chuntas a thabhairt ar na socruithe eile i ndáil leis an mbeart costas maireachtála ar fiú €60 milliún san iomlán é a íoc chun tacú le freastal ar an méadú i gcostais reatha scoile, ar beart é a fógraíodh mar chuid de na bearta costas maireachtála atá i mBuiséad 2024.
- 1.2. Tá an deontas seo á íoc le Bunscoileanna agus Iar-bhunscoileanna aitheanta sa Scéim Saoroideachais, lena n-áirítear Meánscoileanna Deonacha, Pobalscoileanna agus Scoileanna Cuimsitheacha, agus le Boird Oideachais agus Oiliúna i leith scoileanna Boird Oideachais agus Oiliúna.
- 1.3. Eisíodh an chéad tráthchuid €20 milliún den deontas seo chuig scoileanna i mí Dheireadh Fómhair 2023.
- 1.4. Eiseofar an dara tráthchuid i leith an €40 milliún atá fágtha chuig scoileanna go luath chun cabhrú le costais reatha sa bhliain 2024.

2. Cuspóir an Deontais

- 2.1. Is trí dheontais per capita a sholáthraíonn an Roinn cistiú do gach scoil aitheanta sa scéim saoroideachais. Is iad an dá phríomhdheontas ná an deontas Caipitíochta, a sholáthraítear chun freastal ar ghnáthchostais reatha laethúla, lena n-áirítear téamh agus soilsiú, etc., agus an deontas Coimhdeach, a sholáthraítear chun freastal ar an gcostas a bhaineann le baill foirne seirbhísí coimhdeacha a fhostú. Is féidir breathnú ar na deontais sin mar dheontas coiteann a fhéadfaidh an Bord Bainistíochta/an Bord Oideachais agus Oiliúna a úsáid de réir a thosaíochtaí féin. Chun tuilleadh faisnéise a fháil, féach Ciorclán 0040/2009, atá ar fáil ag gov.ie - [Soiléiriú maidir le húsáid dhlísteanaigh maoinithe caipitíochta \(www.gov.ie\)](http://www.gov.ie).

Soláthraíodh cistiú breise mar chuid de na bearta costas maireachtála atá i mBuiséad 2024. Tá sé mar aidhm leis an gcistiú sin a chinntiú go mbeidh tacaí airgeadais ar fáil do bhunscoileanna agus iar-bhunscoileanna aitheanta



sa scéim saoroideachais chun freastal ar chostais bhreise fuinnimh agus ar an méadú i ngnáthchostais reatha laethúla eile.

- 2.2. Maidir le leictreachas agus bulcbhreoslaí téimh, ba cheart do scoileanna agus do Bhoird Oideachais agus Oiliúna a bheith ar an eolas gur cuireadh rátaí a idirbheartaíodh go lárnach ar fáil do scoileanna agus do Bhoird Oideachais agus Oiliúna trí chreataí ar fhoinsigh an Oifig um Sholáthar Rialtais iad. Is féidir faisnéis faoi conas leas a bhaint as na socruithe sin a fháil trí chuairt a thabhairt ar shuíomh Gréasáin an Aonaid um Sholáthar do Scoileanna ag www.spu.ie nó, i gcás Boird Oideachais agus Oiliúna, trí ríomhphost a sheoladh chuig procurement@etbi.ie.
- 2.3. Mar gheall ar an gcistiú breise atá á chur ar fáil do scoileanna, táthar ag súil leis nach mbeidh ar scoileanna ranníocaíochtaí deonacha breise a lorg ó thuismitheoirí.

3. Socruithe íocaíochta deontais

- 3.1. Déanfar an dara tráthchuid den deontas costas maireachtála seo a ríomh bunaithe ar rollú aitheanta daltaí ag an 30 Meán Fómhair 2022. Is bunaithe ar rollú 60 dalta ar a laghad atá an deontas a íoctar le scoil a bhfuil a rollú cothrom le 60 dalta nó níos lú ná 60 dalta.
- 3.2. Tá rátaí breisithe iníoctha i leith daltaí a fhreastalaíonn ar scoileanna speisialta agus ar ranganna speisialta agus i leith daltaí den Lucht Siúil atá ceangailte le scoileanna príomhshrutha chun cabhrú le freastal ar na costais bhreise a bhaineann le costais reatha seomraí ranga ina gcuirtear sainsoláthar ar fáil do líon beag daltaí. Tá na rátaí sin ag brath ar an leibhéal riachtanais ar leith atá i gceist.
- 3.3. Tá na rátaí caighdeánacha príomhshrutha agus na rátaí breisithe per capita atá iníoctha i leith an dara tráthchuid €40 milliún den deontas costas maireachtála leagtha amach in Aguisín A thíos. Áirítear an ráta príomhshrutha sna rátaí breisithe atá luaite.
- 3.4. Tá na rátaí caighdeánacha príomhshrutha agus na rátaí breisithe per capita atá iníoctha i leith an deontais iomláin costas maireachtála €60 milliún leagtha amach in Aguisín B thíos. Áirítear an ráta príomhshrutha sna rátaí breisithe atá luaite.
- 3.5. Is ar áireamh in Aguisíní A agus B freisin atá táblaí ina dtugtar sampla den leibhéal cistiúcháin atá ar fáil do scoileanna de mhéideanna éagsúla.
- 3.6. Eiseofar an dara tráthchuid €40 milliún den chistiú seo chuig scoileanna go luath. I gcás scoileanna Boird Oideachais agus Oiliúna, is leis an mBord Oideachais agus Oiliúna lena mbaineann a íocfar an dara tráthchuid den deontas costas maireachtála.



4. Scaipeadh agus Ceisteanna.

- 4.1. Cinntigh go dtabharfar cóipeanna den Chiorclán seo do gach comhalta den Bhord Bainistíochta/den Bhord Oideachais agus Oiliúna agus den Chumann Tuismitheoirí (más ann).
- 4.2. Ba cheart aon cheisteanna ó scoileanna maidir leis an gCiorclán seo a sheoladh le ríomhphost chuig Rannán na Scoileanna - Airgeadas ag financialetb@education.gov.ie. I gcás Boird Oideachais agus Oiliúna, ba cheart aon cheisteanna a sheoladh chuig Aonad Pearsanra Airgeadais agus Riaracháin na mBord Oideachais agus Oiliúna ag financialetb@education.gov.ie.

**Tom Deegan,
Príomhoifigeach
Rannán na Scoileanna - Airgeadas**

**Teresa McNeill
Príomhoifigeach
Aonad Pearsanra Airgeadais agus
Riaracháin na mBord Oideachais agus
Oiliúna**

Dáta Eisiúna 2 Eanáir 2024



Aguisín A – Rátaí deontais agus samplaí den chistiú atá ar fáil do scoileanna i leith an dara tráthchuid €40 milliún den deontas costas maireachtála

Rátaí per capita don dara tráthchuid den deontas costas maireachtála do Bhunscoileanna aitheanta		
Rátaí príomhshrutha		
Catagóir	Faoi bhun 12 bhliain d'aois	12 bhliain d'aois agus níos sine
a) Ráta Príomhshrutha	€33.00	€33.00
b) Scoileanna Náisiúnta atá faoi chothabháil Oifig na nOibreacha Poiblí	€13.20	€13.20
Rátaí Breisithe a bhfuil an Ráta Príomhshrutha ar áireamh iontu		
Lagú Amhairc	€157.00	€157.00
Lagú Éisteachta	€157.00	€157.00
Faoi Ollbhodhaire	€160.00	€160.00
Míchumas Foghlama Ginearálta Éadrom (Scoil Phríomhshrutha)	€84.00	€124.00
Míchumas Foghlama Ginearálta Éadrom (Scoil Speisialta)	€104.00	€157.00
Míchumas Foghlama Ginearálta Meánach	€157.00	€157.00
Míchumas Foghlama Ginearálta Dian/Trom	€160.00	€160.00
Sain-Mhíchumas Foghlama (Scoil Phríomhshrutha)	€84.00	€124.00
Sain-Mhíchumas Foghlama (Scoil Speisialta)	€104.00	€157.00
Suaithheadh Mothúchánach	€157.00	€157.00
Diansuaithheadh Mothúchánach	€160.00	€160.00
Míchumas Fisiciúil	€157.00	€157.00
Uathachas/Neamhoird ar Speictream an Uathachais	€160.00	€160.00
Sain-Neamhord Teanga agus Urlabhra	€157.00	€157.00
Roinnt Cineálacha Míchumais	€160.00	€160.00
Leanaí den Lucht Siúil	€46.00	€46.00
Luath-Idirghabháil i leith Neamhord ar Speictream an Uathachais	€160.00	€160.00

Rátaí per capita don dara tráthchuid den deontas costas maireachtála d'Iar-bhunscoileanna sa Scéim Saoroideachais	
Cineál Deontais	Ráta
Deontas Caighdeánach	€50.00
Deontas do Ranganna Speisialta	€35.00



Sampla den dara tráthchuid den deontas costas maireachtála Bunscoileanna aitheanta	
Rollú Daltaí	Luach an Deontais
Suas le 60	€1,980
100	€3,300
200	€6,600
400	€13,200
600	€19,800
Tabhair faoi deara: Tá na ríomhaireachtaí sa tábla seo bunaithe ar an ráta caighdeánach príomhshrutha	

Sampla den dara tráthchuid den deontas costas maireachtála Iar-bhunscoileanna sa Scéim Saoroideachais	
Rollú Daltaí	Luach an Deontais
200	€10,000
400	€20,000
600	€30,000
800	€40,000
1000	€50,000
1600	€80,000
Tabhair faoi deara: Tá na ríomhaireachtaí sa tábla seo bunaithe ar an ráta caighdeánach príomhshrutha	



Aguisín B – Rátaí deontais agus samplaí den chistiú atá ar fáil do scoileanna i leith an deontais iomlán costas maireachtála €60 milliún

Rátaí per capita don deontas iomlán costas maireachtála do Bhunscoileanna aitheanta		
Catagóir	Faoi bhun 12 bhliain d'aois	12 bhliain d'aois agus níos sine
a) Ráta Príomhshrutha	€49.00	€49.00
b) Scoileanna Náisiúnta atá faoi chothabháil Oifig na nOibreacha Poiblí	€19.60	€19.60
Rátaí Breisithe a bhfuil an Ráta Príomhshrutha ar áireamh iontu		
Lagú Amhairc	€235.00	€235.00
Lagú Éisteachta	€235.00	€235.00
Faoi Ollbhodhaire	€241.00	€241.00
Míchumas Foghlama Ginearálta Éadrom (Scoil Phríomhshrutha)	€125.00	€186.00
Míchumas Foghlama Ginearálta Éadrom (Scoil Speisialta)	€156.00	€235.00
Míchumas Foghlama Ginearálta Meánach	€235.00	€235.00
Míchumas Foghlama Ginearálta Dian/Trom	€241.00	€241.00
Sain-Mhíchumas Foghlama (Scoil Phríomhshrutha)	€125.00	€186.00
Sain-Mhíchumas Foghlama (Scoil Speisialta)	€156.00	€235.00
Suaithheadh Mothúchánach	€235.00	€235.00
Diansuaithheadh Mothúchánach	€241.00	€241.00
Míchumas Fisiciúil	€235.00	€235.00
Uathachas/Neamhoird ar Speictream an Uathachais	€241.00	€241.00
Sain-Neamhord Teanga agus Urlabhra	€235.00	€235.00
Roinnt Cineálacha Míchumais	€241.00	€241.00
Leanaí den Lucht Siúil	€69.00	€69.00
Luath-Idirghabháil i leith Neamhord ar Speictream an Uathachais	€241.00	€241.00

Rátaí per capita don deontas iomlán costas maireachtála d'lar-bhunscoileanna sa Scéim Saoroideachais	
Cineál Deontais	Ráta
Deontas Caighdeánach	€75.00
Deontas do Ranganna Speisialta	€53.00
Deontas do Dhaltaí den Lucht Siúil	€57.00



Sampla den deontas iomlán costas maireachtála Bunscoileanna aitheanta	
Rollú Daltaí	Luach an Deontais
Suas le 60	€2,940
100	€4,900
200	€9,800
400	€19,600
600	€29,400
Tabhair faoi deara: Tá na ríomhaireachtaí sa tábla seo bunaithe ar an ráta caighdeánach príomhshrutha	

Sampla den deontas iomlán costas maireachtála lar-bhunscoileanna sa Scéim Saoroideachais	
Rollú Daltaí	Luach an Deontais
200	€15,000
400	€30,000
600	€45,000
800	€60,000
1000	€75,000
1600	€120,000
Tabhair faoi deara: Tá na ríomhaireachtaí sa tábla seo bunaithe ar an ráta caighdeánach príomhshrutha	